

191.

Na osnovu člana 18., stava (1.), Zakona o kantonalnim ministarstvima i drugim tijelima uprave („Službene novine Zeničko-dobojskog kantona“, broj: 10/15), a u vezi sa članom 11. stav (5.), Zakona o obrazovanju odraslih („Službene novine Zeničko-dobojskog kantona“, broj: 5/14), ministar Ministarstva za obrazovanje, nauku, kulturu i sport d o n o s i:

Pravilnik o postupku utvrđivanja ispunjenosti uvjeta za osnivanje centra za obrazovanje odraslih

DIO PRVI- OPĆE ODREDBE

Član 1.

(Predmet Pravilnika)

Ovim Pravilnikom propisuje se postupak utvrđivanja ispunjenosti uvjeta za osnivanje centra za obrazovanje odraslih koje mora ispunjavati ustanova za izvođenje programa obrazovanja odraslih (u daljem tekstu: Ustanova).

Član 2.

(Uvjeti za osnivanje centra za obrazovanje odraslih)

- (1) Centar za obrazovanje odraslih kao ustanovu može osnovati domaće i strano pravno i fizičko lice, u svim oblicima svojine.
- (2) Centar za obrazovanje odraslih, kao javnu ustanovu, može osnovati Kanton ili jedinica lokalne samouprave.
- (3) Osnivač osigurava sredstva potrebna za osnivanje i rad ustanove, u skladu sa propisanim standardima i normativima za realizaciju programa obrazovanja odraslih.
- (4) Centar za obrazovanje odraslih može se osnovati ako:
 - a) postoji potreba za njegovim osnivanjem (kada se osniva kao javna ustanova),
 - b) su osigurana sredstva za njegovo osnivanje i početak rada, finansiranjem, odnosno sufinsiranjem planiranih i odobrenih programa za obrazovanje odraslih,
 - c) su ispunjeni higijensko-tehnički uvjeti prostora u Ustanovi u kojemu se realizuju odobreni/doneseni programi obrazovanja odraslih, kao i prostorni, kadrovski i materijalni uvjeti potrebni za izvođenje odobrenih programa obrazovanja odraslih

propisani standardima i normativima prostora i opreme neophodne za izvođenje odobrenih programa obrazovanja odraslih.

DIO DRUGI- PODNOŠENJE ZAHTJEVA ZA IZDAVANJE RJEŠENJA

Član 3.

(Zahtjev za izdavanje rješenja o ispunjavanju uvjeta za osnivanje centra za obrazovanje odraslih)

- (1) Zahtjev za izdavanje rješenja o ispunjavanju uvjeta za osnivanje centra za obrazovanje odraslih, osnivač podnosi Ministarstvu za obrazovanje, nauku, kulturu i sport, (u daljem tekstu: Ministarstvo).
- (2) Zahtjev iz stava (1) ovog člana, obavezno sadrži:
 - a) osnivački akt, (izvadak iz sudskog registra)
 - b) elaborat o opravdanosti osnivanja sa finansijskim planom, (za javnu ustanovu),
 - c) podatke o ovlaštenoj osobi za zastupanje,
 - d) dokaz o osiguranim sredstvima za početak rada i rad, (bankovnu garanciju i/ili drugi finansijsko-relevantan dokaz iz poslovne banke).
 - e) dokaz o osiguranom adekvatnom prostoru koji ispunjava higijensko-tehničke uvjete, u skladu sa propisanim standardima i normativima prostora i opreme,
 - f) dokaz o potrebnom broju predavača, stručnih saradnika i ostalih zaposlenika u skladu sa propisanim standardima i normativima,
 - g) dokaz o sredstvima za uplatu troškova utvrđivanja ispunjenosti uvjeta za osnivanje centra za obrazovanje odraslih.
- (3) Naknada iz stava (2), tačka g), ovog člana iznosi 1000,00 KM (jednahiljada KM).

Član 4.

(Postupak utvrđivanja ispunjenosti uvjeta za osnivanje centra za obrazovanje odraslih)

- (1) Postupak utvrđivanja ispunjenosti uvjeta za osnivanje centra za obrazovanje odraslih provodi se na osnovu dostavljene dokumentacije uz zahtjev iz člana (3) ovog pravilnika, kao i uvidajem na licu mjesta.
- (2) Uvidaj provodi posebna komisija za utvrđivanje uvjeta za osnivanje centra za obrazovanje odraslih koju imenuje ministar Ministarstva, i za svoj rad ima pravo na naknadu koja se utvrđuje posebnim rješenjem.

- (3) Komisija iz stava (2), ovog člana, koje imenuje Ministarstvo, može imati najmanje tri, a najviše pet članova.
- (4) Članovi Komisije o svom radu i izvršenom uvidu u dostavljenu dokumentaciju, kao i uviđaju na licu mjesta, sačinjavaju Zapisnik o stvarno utvrđenom činjenično-pravnom stanju i isti, u formi obrazloženog prijedloga o ispunjavanju/neispunjavanju propisanih uvjeta, dostavljaju Ministarstvu.
- (5) Na osnovu Zapisnika iz stava (4), ovog pravilnika, ministar Ministarstva, donosi posebno rješenje o ispunjavanju odnosno neispunjavanju propisanih uvjeta za osnivanje centra za obrazovanje odraslih.
- (6) Na rješenje Ministarstva, iz stava (5), ovog člana, nezadovoljna strana može izjaviti žalbu Drugostepenoj komisiji Vlade Kantona, u roku od 15 dana, od dana prijema rješenja.

DIO TREĆI- ZAVRŠNE ODREDBE

Član 5.

(Ravnopravnost spolova)

Gramatička terminologija korištena u ovom pravilniku, podrazumijeva ravnopravnost oba spola.

Član 6.

(Stupanje na snagu)

Ovaj pravilnik stupa na snagu danom donošenja, a objavit će se u "Službenim novinama Zeničko-dobojskog kantona"

Broj: 10-02-6105-8/15.
Datum, 27.05.2016. godine
Zenica

MINISTAR

Mensur Sinanović, s.r.

192.

Na osnovu člana 18., stav (1)., Zakona o kantonalnim ministarstvima i drugim tijelima uprave („Službene novine Zeničko-dobojskog kantona“, broj: 10/15), a u vezi sa članom 13. stav (2)., Zakona o obrazovanju odraslih („Službene novine Zeničko-dobojskog kantona“, broj: 05/14), ministar Ministarstva za obrazovanje, nauku, kulturu i sport donosi

Pravilnik o postupku utvrđivanja uvjeta, sadržaju i načinu vođenja Registra ustanova za obrazovanje odraslih

DIO PRVI-OPĆE ODREDBE

Član 1.

(Predmet Pravilnika)

- (1) Ovim pravilnikom uređuje se vođenje Registra ustanova za obrazovanje odraslih (u daljem tekstu: Registar), izgled i sadržaj Registra, postupak upisa u Registar, način upisa, ispravke upisa, brisanje iz Registra, osiguranje dostupnosti informacija o ustanovama za obrazovanje odraslih u Zeničko-dobojskom kantonu (u daljem tekstu: Kanton), izdavanje uvjerenja o upisu u Registar, te druga pitanja od značaja za uspostavljanje Registra.
- (2) Registar iz stava (1) ovog člana vodi Ministarstvo za obrazovanje, nauku, kulturu i sport Zeničko-dobojskog kantona (u daljem tekstu: Ministarstvo).

Član 2.

(Značaj Registra)

- (1) Registar predstavlja službenu evidenciju o ustanovama za obrazovanje odraslih u Kantonu.
- (2) Na osnovu podataka iz Registra, Ministarstvo sačinjava listu ustanova za obrazovanje odraslih u Kantonu i osigurava dostupnost informacija o istim na svojoj web stranici.

Član 3.

(Uvjeti za upis u Registar)

- (1) Postupak utvrđivanja uvjeta za rad ustanova za obrazovanje odraslih vodi se u slučaju registracije ili dopune i/ili izmjene registracije.
- (2) Provjeru uvjeta za upis u Registar vrši stručna komisija koju imenuje ministar, a na zahtjev osnivača ustanove za obrazovanje odraslih.
- (3) Ministarstvo vrši provjeru ispunjenosti uvjeta rada ustanove za obrazovanje odraslih svake četiri godine.
- (4) Ako se prilikom kontrole utvrdi da ustanova za obrazovanje odraslih ne obavlja djelatnost na način utvrđen Zakonom o obrazovanju odraslih (u daljem tekstu: Zakonom), ili ne ispunjava uvjete propisane Zakonom, Ministarstvo će utvrditi rok za otklanjanje nepravilnosti koji ne može biti duži od tri mjeseca.